



LUAR:NA:LUBRE

Luar Na Lubre, un dos grupos máis destacados do folk galego, presentará as cancións do seu novo traballo '**Luar Na Lubre XX. Encrucillada**', un libro-disco recompilatorio que recollerá algúns dos temas máis emblemáticos do seu amplo repertorio, cunha cronoloxía fotográfica e literaria da súa dilatada historia, ademais dos testemuños de 50 artistas relevantes que colaboraron con esta formación.

Nos seus 38 anos de andaina musical, Luar Na Lubre vendeu máis de 350.000 exemplares e recibiu dous Discos de Ouro, 9 Premios da Música e outros recoñecementos, dentro e fóra de Galicia. Luar Na Lubre ofreceu máis de 2.000 concertos en máis de 40 países, onde participou en festivais destacados da música folk, nos que actuou xunto a artistas internacionais, como Mike Oldfield, The Waterboys, o lendario grupo The Corrs ou Bob Geldof e españois, como Víctor Manuel, Miguel Ríos, Luz Casal, Ismael Serrano, Pedro Guerra ou Diana Navarro.

O grupo fundouse na cidade da Coruña (Galicia) en 1986 coa vocación de interpretar, desenvolver e divulgar a música e a cultura galega. O seu repertorio está baseado fundamentalmente nas músicas de raíz, dende o respecto, pero con perspectiva de modernidade.

Está formado por Bieito Romero (gaitas, acordeón, zanfoña), Irma Macías (voz), Nuria Naya (violín), Patxi Bermúdez (bodhran, tambor), Pedro Valero (guitarra acústica), Xavier Ferreiro (percusión latina, efectos), Xan Cerqueiro (fautas) e Brais Maceiras (acordeón).

Na súa traxectoria musical, destacou por conformar unha sonoridade propia e persoal tan rechamante que ata Mike Oldfield dixo publicamente que é "unha das mellores bandas de folk do mundo". Ademais, o propio Oldfield fixo unha versión, en 1996, a canción 'Ou son do ar', unha composición de Bieito Romero, que deu nome ao seu primeiro traballo discográfico de Luar Na Lubre 'Ou son do ar' (1988).

O seu labor tenaz e concienzuda reflíctese en todos e cada un dos discos publicados, pola agrupación liderada por Bieito Romero: 'Ou son do ar' (1988), 'Beira Atlántica' (1990), 'Ara Solis' (1993), 'Plenilunio' (1997), 'Cabo do mundo' (1999), 'XV Aniversario' (2001), 'Espirál' (2002), 'Hai un paraíso' (2004), 'Saudade' (2005), 'Camiños do fin dá terra' (2007), 'Ao Vivo' (2009), 'Solsticio' (2010), 'Sons dá Lubre nas Noites de Luar' (2012), 'Mar Maior' (2012), 'Torre de Breoghán' (2014), 'Extramundi' (2015), 'XXX Aniversario' (2016), 'Ribeira Sacra' (2018) e 'Vieiras e vieiros, historias de peregrinos' (2020), 'Luar Na Lubre XX. Encrucillada' (2023)



[FACEBOOK](#) | [INSTAGRAM](#) | [WEB](#) | [SPOTIFY](#) | [YOUTUBE](#)



Management / Contratación
Maruchy Suárez
www.mirmidon.es
maruchy.mirmidon@gmail.com
34 667 706 241